



Data: 07.03.2019

Ref.: 388/19D

Bazuar në nenin 7, dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Ligjin për Procedurën e Përgjithshëm Administrative (nr. 05/L-31, datë 25 maj 2016), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Rregulloren mbi punën e Këshillit Shtetëror të Cilësisë, Nr. 621/18D, datë 12.06.2018, Këshilli Shtetërorë i Cilësisë (KShC), në mbledhjen e 62-të, të mbajtur më 12 shkurt 2019, mori:

V E N D I M

- I. Refuzohet kërkesa për aprovim të aplikacionit e Universitetit të Prishtinës "Hasan Prishtina", Fakulteti i Arteve, Nr.1408/18H, datë 25.10.2018 për akreditim të programit të studimit:
 - Regji filmi dhe televizioni, MA, 60, ECTS.
- II. Ky vendim hyn në fuqi me nënshkrimin e tij.

Arsyetimi

Universitetit të Prishtinës "Hasan Prishtina", Fakulteti i Arteve (tash e tutje Fakulteti i Arteve) ka parashtruar kërkesë (Nr.1408/18H, datë 25.10.2018) në Agjencinë e Kosovës për Akreditim për akreditim të programit të studimit: Regji filmi dhe televizioni, MA, 60, ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 12 shkurt 2019 ka trajtuar aplikacionin e Fakultetit të Arteve, dhe pas analizës së dokumentacionit të stafit akademik bazuar në pikën 1.2 të këtij neni, 10 të UA për Akreditim, KShC erdhi në përfundim se programi i studimit: Regji filmi dhe televizioni, MA, 60, ECTS, nuk i plotëson kushtet ligjore për aprovim të aplikacionit.

Sipas pikës 1.2 të këtij neni 10, të UA për Akreditim: "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgaditët nga stafi i AKA-së".

Trajtimi i aplikacionit të Fakultetit të Arteve, është bërë duke u bazuar në nenin 26, pika 5.3.4 e Udhëzimit Administrativ (15/2018, datë 28.09.2018) për Akreditim të Institucioneve të Arsimit të Lartë sipas së cilit: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

- **Për programin e studimit: Regji filmi dhe televizioni, MA, 60, ECTS,** si bartës të këtij programi Fakulteti i Arteve ka paraparë këta persona: Ismet Sijarina (MD), dhe Besar Zahiti.

Ky program ka 60 ECTS kredi dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program, Fakulteti i Arteve duhet të ketë të paktën një staf akademik me gradën akademike PhD me marrëdhënie të rregullt të punës nga fusha e programit të studimit.

Meqenëse ky program i përket fushës së arteve, trajtohen sipas UA 02/2019 datë 31.01.2019 për plotësim ndryshimin e nenit 26, pikës 5.3.4 dhe 5.3.5 të UA për Akreditim 9/2018. Sipas këtij ndryshimi, për programet nga fusha e arteve, stafi akademik duhet të ketë gradën shkencore PhD, ose tituj të barasvlershëm artistik.

Pas verifikimit të dokumentacionit të stafit akademik të prezantuar nga Fakulteti i Arteve për këtë program të studimit, u konstatua që, Ismet Sijarina nuk është deklaruar fare brenda afatit të përcaktuar për deklarim të stafit akademik sipas nenit 30 të UA për Akreditim. Sipas nenin 30 të Udhëzimit Administrativ për Akreditim: *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”*, pra IAL janë të obliguara që të deklarojnë stafin akademik me se largu deri me 31 tetor 2018. Sipas pikën 3 të nenit 30 të UA për Akreditim, *“Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”*. Meqenëse i njëjti nuk është deklaruar brenda afatit ligjor, i njëjti nuk mund të jetë bartës i këtij programi të studimit.


Ndërsa Besar Zahiti është MA Aktrim, dhe nuk i përket fushës së programit regji filmi dhe televizion. Pra nuk i përket fushës së programit të studimit, dhe i njëjti nuk mund të jetë bartës i programit sipas dispozitave ligjore të cekura më lartë.

Andaj bazuar në faktet e prezantuara më sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit, sipas nenit 26, pika 5.3.4 e Udhëzimit Administrativ për Akreditim, dhe Udhëzimit Administrativ 02/2019 datë 31.01.2019 për plotësim ndryshimin e nenit 26, pikës 5.3.4 dhe 5.3.5 të UA për Akreditim 9/2018, ta refuzoj aprovimin e aplikacionit për programin e studimit *Regji filmi dhe televizioni, MA, 60, ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Universitetit të Prishtinës "Hasan Prishtina", Fakulteti i Arteve;
- MASHT-it;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

